

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH

Број: 05/7-39-1-158-67/21
Сарајево, 26. 1. 2021.

**IZVJEŠTAJ O RADU VIJEĆA NACIONALNIH MANJINA
BOSNE I HERCEGOVINE ZA 2020. GODINU**

Sarajevo, januar 2021. godine

Sadržaj

Sadržaj.....	2
I. Uvodne napomene.....	3
II. Sjednice i sastanci Vijeća nacionalnih manjina BiH.....	4
III. Aktivnosti Vijeća nacionalnih manjina BiH (pokrenute inicijative, zatražene informacije, razmatrani materijali i dodijeljene zahvalnice).....	5
IV. Učešće u radnim tijelima.....	7
V. Rad s medijima	8
VI. Zaključak.....	8

IZVJEŠTAJ O RADU
VIJEĆA NACIONALNIH MANJINA BiH
ZA 2020. GODINU

Parlamentarna skupština BiH je Odlukom o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08, 53/09 i 60/14) osnovala Vijeće nacionalnih manjina BiH, kao posebno savjetodavno tijelo Parlamentarne skupštine BiH, te Odlukom o imenovanju članova Vijeća nacionalnih manjina Bosne i Hercegovine („Službeni glasnik BiH“, br. 15/08, 53/09, 59/09, 60/13 i 41/16) imenovala članove Vijeća nacionalnih manjina BiH.

I. Uvodne napomene

Na osnovu člana 4. stav (1) Odluke o osnivanju Vijeća nacionalnih manjina Bosne i Hercegovine (u daljnjem tekstu: Vijeće), utvrđeno je da Vijeće daje mišljenja, savjete i prijedloge Parlamentarnoj skupštini BiH o svim pitanjima koja se tiču prava, položaja i interesa nacionalnih manjina u Bosni i Hercegovini.

Također, u skladu s članom 4. stav (2) navedene odluke, Vijeće može delegirati stručnjake u radu ustavnopravnih komisija oba doma Parlamentarne skupštine BiH, Zajedničke komisije za ljudska prava i drugih komisija i radnih tijela Parlamentarne skupštine BiH kada raspravljaju o pravima, položaju i interesima nacionalnih manjina.

U Vijeće su imenovani:

1. HALIL BICAJ (Albanac),
2. DRAGAN MARKOVIĆ (Crnogorac),
3. JOVANKA MANZALOVIĆ-ŠALAKA (Čehinja),
4. JAKOB FINCI (Jevrej),
5. TIHOMIR KNEŽIČEK (Italijan),
6. EVA PAŠIĆ-JUHAS (Mađarica),
7. VJEROČKA GAJIĆ (Slovakinja),
8. TODORKA JOVANOVIĆ (Makedonka),
9. VELIBOR KUVAČ (Nijemac),
10. DEJAN PIOTROVSKI (Poljak),
11. HAKAN VARAN (Turčin),

12. SILVIJA VUJOVIĆ (Rumunka),
13. MARIJA GRBIĆ (Slovenka),
14. ANDRIJA SVATOK (Ukrajina),
15. MLADEN RADMILOVIĆ (Rus),
16. TIJANA VUČUREVIĆ (Rusinka),
17. NEDŽAD JUSIĆ (Rom),
18. DAVOR EBNER (Austrijanac).

Stručnu i tehničku pomoć Vijeću, u skladu s aktima Parlamentarne skupštine BiH, pružaju zaposleni u Uredu sekretara Zajedničke komisije za ljudska prava.

II. Sjednice i sastanci Vijeća nacionalnih manjina BiH

U izvještajnom periodu u toku 2020. godine Vijeće je održalo deset redovnih sjednica, te razmatralo 46 tačaka dnevnog reda, ne računajući podtačke, teme i inicijative iznesene prilikom rasprave o 'tekućim pitanjima':

Redni broj sjednice i datum održavanja	Broj razmatranih tačaka
57. sjednica, 28. 1. 2020.	4
58. sjednica, 25. 2. 2020.	6
59. sjednica, 27. 5. 2020.	6
60. sjednica, 22. 6. 2020.	6
61. sjednica, 27. 7. 2020.	5
62. sjednica, 11. 8. 2020.	3
63. sjednica, 30. 9. 2020.	4
64. sjednica, 28. 10. 2020.	5
65. sjednica, 12. 11. 2020.	3
66. sjednica, 7. 12. 2020.	4
	UKUPNO: 46

U skladu s Planom rada za 2020. godinu, ali i ograničeni zbog pandemije COVID-19, Vijeće je ostvarilo posjetu samo Brčko Distriktu BiH, gdje je, osim redovne sjednice Vijeća, održan i sastanak s predstavnicima lokanih vlasti i predstavnicima pripadnika manjina.

III. Aktivnosti Vijeća nacionalnih manjina BiH (pokrenute inicijative, zatražene informacije, razmatrani materijali i dodijeljene zahvalnice)

Na sjednicama Vijeća raspravljalo se o tačkama koje su bile predviđene Planom rada Vijeća za 2020. godinu ali, imajući u vidu pandemiju koronavirusa i o mnogo tema koje su se nametnule kao hitne i važne za pripadnike nacionalnih manjina, upravo sa aspekta pandemije.

U tom smislu Vijeće je, između ostalog, raspravljalo i o:

- predmetu *Sejdić i Finci* – geneza slučaja, problemi i potencijalna rješenja, aktivnosti za pokretanje inicijativa za izmjene/dopune Izbornog zakona BiH – poglavlja kojim se regulira učešće nacionalnih manjina u općinskim/gradskim vijećima,
- aktivnostima za pokretanje inicijativa za izmjenu zakona i drugih akata kojima se regulira uvoz robe iz inozemstva,
- izmjenama Poslovnika Vijeća,
- potrebi za dostavljanjem informacija o pruženoj pomoći nacionalnim manjinama s posebnim fokusom na romsku nacionalnu manjinu u vrijeme pandemije izazvane koronavirusom,
- rasporedu troškova Vijeća za 2021. godinu,
- prijedlogu inicijative za prikupljanje informacija o iznosu pomoći za romsku populaciju tokom pandemije koja je realizirana putem nevladinih organizacija; inicijativi za odricanje 20% jednokratne naknade za rad u Vijeću za podršku pripadnicima nacionalnih manjina koji su ostali bez posla tokom pandemije COVID-19;,,
- inicijativi za formiranje interresorne radne grupe za izradu zakona o vijećima nacionalnih manjina na svim nivoima vlasti u BiH,
- Izvještaju o napretku za Bosnu i Hercegovinu za 2019. godinu – u dijelu poštivanja i zaštite manjina i kulturnih prava te, u vezi s tim, inicijative za izradu strategije za nacionalne manjine BiH,
- inicijativi za uspostavu fonda na nivou BiH za pomoć nacionalnim manjinama u BiH,
- informaciji o Zakonu o zaštiti prava pripadnika nacionalnih manjina u Brčko Distriktu BiH, te
- analizi o učešću pripadnika nacionalnih manjina na Lokalnim izborima u BiH 2020;

ali i brojnim drugim temama, te usvajalo zaključke, slalo upite i pokretalo inicijative, među kojima se ističu:

- Zaključak kojim se od Federalnog zavoda za zapošljavanje traži informacija o sredstvima koja je Ministarstvo za ljudska prava i izbjeglice BiH dodijelilo Federalnom zavodu za

zapošljavanje s ciljem realizacije Akcionog plana za Rome (oko 400.000,00 KM za 2018. godinu) odnosno u svrhu zapošljavanja Roma (nije dostavljena informacija);

- Dopis Uredu Vijeća Evrope u BiH, Uredu visokog predstavnika, Uredu specijalnog predstavnika Evropske unije za Bosnu i Hercegovinu, Delegaciji Evropske unije u BiH, svim klubovima političkih stranaka u Predstavničkom domu i klubovima naroda u Domu naroda Parlamentarne skupštine BiH i Ambasadi Sjedinjenih Američkih Država u BiH, s ciljem iskazivanja zabrinutosti zbog neprovođenja presude Evropskog suda za ljudska prava u vezi s predmetom *Sejdić i Finci protiv Bosne i Hercegovine*, te s molbom da svi na koje je dopis upućen, u skladu sa svojim mogućnostima i nadležnostima, doprinesu što skorijem i kvalitetnijem provođenju presude;

- Dopis Ministarstvu vanjske trgovine i ekonomskih odnosa BiH kojim se traži dostavljanje informacije o eventualnim trenutnim zakonskim propisima i njima predviđenim mjerama oslobodanja od plaćanja carinskih dažbina prilikom uvoza robe iz inozemstva, a koja se odnosi na očuvanje i promociju kulturnog identiteta nacionalnih manjina, odnosno o uvođenju takvih mjera (nije dostavljena informacija);

- Informacija Ministarstva za ljudska prava i izbjeglice BiH i Crvenog križa BiH o pomoći koja je pružena pripadnicima nacionalnih manjina u vrijeme trajanja pandemije izazvane koronavirusom, s posebnim naglaskom na romsku nacionalnu manjinu, te informacija o planiranim aktivnostima za naredni period;

- Zahtjev za dostavljanje podataka od Centralne izborne komisije BiH o prijavama pripadnika nacionalnih manjina za općinska/gradska vijeća za Lokalne izbore 2020. godine (nisu dostavljeni podaci);

- Inicijativa za formiranje interesorne radne grupe za izradu Zakona o vijećima nacionalnih manjina u Bosni i Hercegovini, na svim nivoima vlasti u Bosni i Hercegovini;

- Inicijativa kojom se od Vijeća ministara BiH i Ministarstva finansija i trezora BiH traži informacija o mogućnosti uspostave fonda na nivou Bosne i Hercegovine za pomoć nacionalnim manjinama u Bosni i Hercegovini, s ciljem pružanja pomoći pripadnicima nacionalnih manjina u svim vanrednim situacijama, poput one koja je bila u trenutku proglašenja pandemije COVID-19 (nije dostavljen stav nadležnih ministarstava);

- Inicijativa Ministarstvu za ljudska prava i izbjeglice BiH za donošenje Strategije za manjine na državom nivou, odnosno dostavljanje modaliteta za „spajanje“ već donesenih strategija s nižih nivoa vlasti u BiH u jedan strateški dokument na državnom nivou (nije dostavljen stav nadležnih ministarstava);

- Očitovanje/stav Saveza i Savjeta nacionalnih manjina Republike Srpske o donošenju strategije za nacionalne manjine Bosne i Hercegovine;
- Dopis/upit Ministarstvu za ljudska prava i izbjeglice BiH o aktivnostima na raspisivanju javnog poziva za dodjelu sredstava granta za udruženja nacionalnih manjina u Bosni i Hercegovini za 2020. godinu;
- Informacija o izboru predstavnika nacionalnih manjina u općinskim/gradskim vijećima na Lokalnim izborima u BiH 2020. godine;
- Upit Odboru za Rome pri Vijeću ministara BiH o odzivu pripadnika romske populacije na Lokalnim izborima u BiH 2020. godine (nije dostavljen odgovor).

Vijeće je, također, razmatralo akte/dopise: Inspektorata Općine Centar Sarajevo (odgovor na dopis Vijeća); Preporuku CM/Rec (2020) 2 Komiteta ministara državama članicama o uključivanju historije Roma i/ili putnika u školske programe i nastavni materijal; odgovor na upit dostavljen od Centralne izborne komisije BiH (odgovor na dopis Vijeća), dopise građana o mogućim neregularnostima na lokalnim izborima u BiH 2020. godine te zahtjeva za dostavljanje informacija o mogućnosti pripadnika nacionalnih manjina za kandidiranje na izborima u BiH i apel pripadnicima nacionalnih manjina za izlazak na lokalne izbore u BiH 2020. godine.

Uzimajući u obzir da je u Brčko Distriktu BiH u 2020. godini usvojen Zakon o ostvarivanju prava nacionalnih manjina u Brčko Distriktu BiH, Vijeće je uručilo zahvalnicu *Michaelu Scanlanu*, zamjeniku visokog predstavnika i supervizoru za Brčko Distrikt BiH, za njegov doprinos da se konačno reguliraju prava pripadnika manjina.

IV. Učešće u radnim tijelima

Članovi Vijeće nacionalnih manjina BiH učestvovali su u radu:

- Projekta Ureda Vijeća Evrope „Jačanje zaštite nacionalnih manjina u Bosni i Hercegovini“, realiziranog u sklopu zajedničkog programa Evropske unije i Vijeća Evrope „Horizontal Facility“;
- Interresorne radne grupe za izradu Akcionog plana za uključivanje/inkluziju Roma u BiH 2021-2025.

V. Rad s medijima

U izvještajnom periodu aktivnosti Vijeća dokumentirane su u elektronskim medijima (fokus.ba, vijesti.ba, nezavisne.com, srna.rs, glassrpske.com, hayat.ba, otisak.ba, klikajce.com, portal-udar.net...), ali i štampanim medijima, te je promocija aktivnosti rađena i putem gostovanja u radioemisijama (Radio Brčko Distrikta, BH Radio 1, BHRT, RTV Slon i sl). Također, rad Vijeća je pratio Sektor za odnose s javnošću Parlamentarne skupštine BiH, te su informacije o radu Vijeća redovno objavljivane na veb-stranici Parlamentarne skupštine BiH.

VI. Zaključak

Vijeće je tokom 2020. godine, i pored različitih ograničenja izazvanih pandemijom COVID-19, dobro i efikasno radilo, te imalo dobru saradnju s Ministarstvom za ljudska prava i izbjeglice BiH, Vijećem Evrope u BiH, Crvenim križom BiH, Centralnom izbornom komisijom BiH te ostalim domaćim i međunarodnim organizacijama.

Predsjedavajući
Vijeća nacionalnih manjina BiH
Andrija Svatok